



Org.nr. til føretaket: 974767643

RADØY KOMMUNE SKULEADMINISTRASJON  
Radøyvegen 1690  
5936 MANGER

Kongsvinger, 1. februar 2016  
Vår ref.: 15/99  
Avdeling for datafangst og metode

## Vedtak om tvangsmulkt - Eigenmeldt sjukefravær 4. kvartal 2015

Fristen for å sende inn opplysningar gjekk ut 22. januar 2016. Dersom opplysningane er sendt inn ein av dei siste dagane, kan de sjå bort frå denne påminninga. Verksemda/verksemdene det manglar opplysningar for, er lista opp på baksida av brevet.

Med heimel i statistikkloven § 2-3 jf. kapittel 3 i statistikklovforskrifta, har SSB gjort vedtak om å påleggje føretaket **tvangsmulkt på kr 2580,-** for ikkje å ha overhalde opplysningsplikta knytt til Eigenmeldt sjukefravær 4. kvartal 2015. Sjå informasjon på baksida av brevet, der det står meir om heimel for å pålegge opplysningsplikt og retten til å klage på vedtaket.

### Unngå mulkt

Dersom SSB tek imot opplysningane **innan 8. februar 2016**, vil vi likevel ikkje setje i verk vedtaket, og tvangsmulkta på kr **2580,-** fell bort. Blir ikkje opplysningane sendt innan denne fristen, sender SSB saka til Statens innkrevingssentral, slik at beløpet kan krevjast inn, eventuelt med tvang. Betaling av tvangsmulkta frittek *ikkje* for plikta til å sende inn opplysningar.

### Send opplysningane over Internett

De skal sende opplysningane over Internett via innrapporteringskanalen Altinn. Dette er ein sikker måte å rapportere på, og du vil få ei kvittering som viser at opplysningane er innsende. Logg inn på [www.altinn.no](http://www.altinn.no), og vel frå nedtrekkslista i Min meldingsboks den aktøren du skal representere. Merk at du må ha fått tildelt ei riktig rolle i Altinn som gir deg rett til å svare på skjemaet. Oppstår det problem, sjå Hjelp på [www.altinn.no](http://www.altinn.no) eller ta kontakt med Altinn brukarservice på 75 00 60 00.

### Spørsmål?


SSBs svarteneste er open alle kvardagar mellom kl. 09.00 og 15.00 og kan nåast på e-post [sykefra@ssb.no](mailto:sykefra@ssb.no) eller på 62 88 50 65. Hugs å gi opp organisasjonsnummeret til føretaket ved spørsmål til SSB.

### Opplysningsplikt

Vi viser til tidligare vedtak om opplysningsplikt. SSB samlar inn opplysningane med heimel i statistikklova § 2-2. Ifølgje statistikklova § 2-3 har SSB fullmakt til å påleggje tvangsmulkt til dei som ikkje gir opplysningar innan fristen.

Med helsing

  
Christine Meyer  
administrerende direktør

  
Anne Sundvoll  
avdelingsdirektør

*Meir informasjon på baksida*

## Heimelsgrunnlag og klgerett

Statistisk sentralbyrå hentar inn opplysningar med heimel i *lov om offisiell statistikk og Statistisk sentralbyrå (statistikkloven)* av 16. juni 1989 nr. 54 § 2-2.

Statistisk sentralbyrå har gjort avtale med Statens innkrevingssentral om innkrevjing av tvangsmulkt, jf. statistikklova § 2-3. Mulktar som ikkje blir betalt, kan krevjast inn ved tvang i samsvar med reglane i *lov om tvangsfyllbyrdelse* av 26. juni 1992 nr. 86. Kostnader i denne samanhengen vil bli pålagde den opplysningspliktige, jf. tvangsfyllføringslova § 3-1.

De kan klage på vedtaket om tvangsmulkt etter reglane i forvaltningslova, kapittel VI. Dette gjeld også seinare vedtak om avvising av klage. Desse reglane må følgjast dersom de skal klage:

- De må rette klagen på vedtaket til Finansdepartementet, som er klageinstans. Klagen skal sendast til Statistisk sentralbyrå, Seksjon for brukarkontakt, 2225 Kongsvinger. Klagen må vere skriftleg.
- Fristen for å klage er 3 – tre – veker frå det tidspunktet vedtaket om tvangsmulkt er teke imot. Det er tilstrekkeleg at klagen er postlagt innan utløpet av klagefristen.
- Ifølge § 29 i forvaltningslova kan klagefristen forlengast i særlege tilfelle. Ein klage som er sendt inn for seint, kan ifølge § 31 likevel bli behandla dersom den opplysningspliktige i klagen gjer sannsynleg at vedkomande ikkje kan lastast for overskridinga av tidsfristen, eller at det av særlege årsaker er rimeleg at klagen blir prøvd.
- I ein klage må det gå fram kva for statistisk undersøking det gjeld, og kven den opplysningspliktige er. De må også grunnge klagen, og andre opplysningar som kan vere viktige for vurderinga av klagen, bør også takast med. Klagen må vere underteikna av den opplysningspliktige eller ein annan person med fullmakt. Ver vennleg å oppgi føretaket sitt organisasjonsnummer.

Søknad om ettergiving: I særlege tilfelle, der det ligg føre sær sterke grunnar, kan Statistisk sentralbyrå ettergi tvangsmulkt heilt eller delvis. Føresetnaden er at det ligg føre særlege og dokumenterte grunnar. Skriftleg søknad skal sendast til Statistisk sentralbyrå, Seksjon for brukarkontakt, 2225 Kongsvinger.

**Vedtak om tvangsmulkt gjeld manglande opplysningar for desse verksemdene:** Alle føretak har ei eller fleire verksemdar. Kvar verksemd er registrert med eit eige organisasjonsnummer. Når rapporteringseininga er verksemd, er det dette nummeret som nyttast:

Org.nr.	Namn	Avdeling	Adresse
976674030	RADØY MUSIKK- OG KULTURSKULE		Radøyvegen 1690
975293319	RADØY KOMMUNE FELLESTENESTE SKULE/B		Radøyvegen 1690